

Joseph Smith—Rikanaan eo an Jeplaaktok eo

Eltōr Tad R. Callister  
Eo an Jimjuōnñoul

Kon Joseph Smith ear roltok aolep kajoor, kii ko, katak ko, im kaiñi ko raorōk ñan lōmqor im mour eo utiejtata.

Kōlmenlōkjen ilo jidik iien ñe juōn eaar jiroñ eok kōn mejeje kein jilu remool kōn kadkad in Kałimur Ekāāl im ebar ejjelōk: kein kajuōn, Rilōmqor eo eaar ba ñan emḡaan in, “O kwe eo e dik aḡ tōmak” (Matu 14:31), kein karuo, emḡaan in ilo iien in iłlu eaar mwijiti lojinñin ri karejaran eo an priest eo eutiej, im kein kajilu, emḡaan in eaar karmejete jelā eo an kōn wōn eo Rilōmqor ilo jilu iien ko reaorōk, mekarta eaar etetał Ippān aolep raan. Ełaññe āindein aolep men eo kwar jelā ak likūt aḡ ion komaroñ kar lōmḡak bwe emḡaan in ej juōn rietao ak juōn rinana, ak ilo tōre eo kwomaroñ kar jab tōbrak ñan am itok im jelā kajjen juōn iaan emḡaan ro remḡantata eo eaar etetał ion lał in: Pita rijillōk eo.

Ilo ejja wāween in wōt, kōtōpar ko emōj kar kōmḡani jān ro jet ñan lełok ełap lōmḡak ñan e ak kōlāplōk mōjno dikdik ko an Rikanaan Joseph Smith bōtaab ilo iał in er raar barāinwōt le jān kōkkałle eo, emḡaan eo im mijen eo an. Joseph Smith kar ekkapitin Irooj ñan kōjeplaaktok Kabuñ eo an Kraist ñan lałin. Ke eaar wałoktok jān ibūlōñ wōjke ko eaar katak emen pedped in mool ko kar jab katakin kaki jān ełōñ Rikirijin ro ilałin.

Kein kajuōn, eaar katak bwe Anij Jemen im Nejin Jisōs Kraist rej ruo armej ro rejjenolōk. Baibōł eo ej kaḡool ta eo Joseph Smith eaar loe. Ej kwałok ñan kōj bwe Nejin eaar ajelōk ankiłan ñan Jemen (lale Matu 26:42). Jej emakūt kōn pokake eo an Rilōmqor eo im pukōt kajoor ilo waanjoñak eo An ñan kōmḡane āindein, ak ta eo enaaj kar mwilałin im kajoor in pokake eo an Kraist ak kajoor in emḡakūt an waanjoñak in ełaññe Jemed im Nejin rekar juōn wōt ñememein, im ilo mool Nejin ekar lōqre ankilan make iumin juōn et eoktak?

Jeje ko rekwojarjar rej letok ełapłok kaḡool kōn mool in ełap :”Bwe kōn an Anij yokwe lał, Ear letok juōn wōt Nejin Ear keotak” (Jon 3:16). Juōn baba eo ej ajelōk eo nejin ej make wōt ej kwałok iokwe eo an iłōñtata im bwe kōlmenlōkjen an armej im būruōer emaroñ bōke im eñjake. Ej kwałok kōkałlein kōn kōmakūt in bwebwenato in Ebream im Isaac (lale Jenesis 22). Ak ełaññe Jemen ejja āinwōt eo Nejin, innem katok in ilubwiljin aolep katok ko ej jako, im Ebream ejjab maroñ ajelōk Isaac—Ebream ej kiiō katok kōn Ebream.

Mool eo kein karuo Joseph Smith eaar loe eaar bwe Jemen im Nejin ewōr aiboojoj ilo ñememein ānbwinier ilo kanniek im di. Ālikin jerkakpeje eo an Rilōmqor E eaar wałok ñan An rikaloqor im eaar ba, “Komwin likūt peōmi ioō im lo; bwe jetōb ejjelōk kanniōkin im diin, āinwōt komij lo Ippa.”(Luk 24:39). Jet emōj aer kwałok bwe wāween in eaar juōn iien an wałoktok ilo kanniek im bwe ke eaar wanlōñlōk ñan lañ eaar utiklōk ānbwinin im roołtok ñan jekjek an jetōb wōt. Ak jeje ko rekwojarjar rej kwałok ñan kōj bwe jekjek in epen an kar bōk jikin. Paul eaar katakin: “Ke jej jelā bwe Kraist eo Ej jerkakpeje jān ro re mej, E jāmin bar mej; mej jāmin bar irooj ion” (Rom 6:9). Ilo bar naan ko jet, iien eo wōt Kraist ear jerkakpeje, Ānbwinin ejjamin bar jenołok jān jetōb eo An, ełaññe jab en kar eñtaan kōn mej, ejja lukkuun un eo Paul eaar ba ke ejjab maroñ ālikin An Jerkakpeje.

Mool eo kein kajilu im Joseph Smith eaar katak eaar bwe Anij ej kōnono nān armej rainin— bwe lañ ko rejjab kilōk. Juōn wōt aikuj ak kajjitōk jilu kajjitōk ko, ko kar juōn iien kar letok jān Eļtōr Hugh B. Brown, nān pukōt jemļok eo. Mokta, Anij ej ke iōkwe kōj joñan wōt An kar iōkwe armej ro im E eaar kōnono kake er ilo iien ko an Kaļļimur Ekāāl? Kein karuo, epād ke ippān Anij kajoor rainin āinwōt ilo tōre ko etto? Im kein kajilu, jej ke aikuj E wōt ke rainin joñan wōt aer kar aikuji etto? Eļāñne uwaak ko nān kajjitōk kein rej “aeet,” im eļāñne Anij ej ejja e wōt inne, rainin im nān indeeo, āinwōt an jeje ko rekwojarjar kwaļok, innem ejjab aikuj wōr kajjitōk: Anij ej kōnono nān armej rainin ejimwe āinwōt an Joseph Smith kaṃool.

Mool eo kein kemen Joseph Smith eaar katak bwe ekar likio im dedeļok in Kabuñ eo Jisōs Kraist eaar jab pād ioon lañin ilo tōre eo. Aeet eaar wōr armej ro remṃan im jet mōttan mool ko, ak rijillōk Paul eaar kanaan jemaan bwe itok eo an Kraist eban itok, “enaaj itok buñ eo” (2 Tessalonika 2:3).

Ālikin vision eo kein kajuōn an Joseph Smith, jepļaaktok in Kabuñ eo an Kraist eaar jinoe lain ioon lain, katak ioon katak (D&C 98:12).

Kōn Joseph Smith eaar jepļaaktok katak eo bwe gospel eo eaar ajeded nān ro remej ilo laļ eo an Jetōb nān ro raar jab wōr aer iien ioon lañin roñjake (lale D&C 128:5–22; bar lale D&C 138:30–34). Menin eaar jab ejaak jān kōļmenļokjen; eaar jepļaaktok eo an mool eo ilo Baibōl. Pita eaar katakin jemaan ļok, “Bwe nān men in emōj kwaļok gospel nān ro remej, bwe en ekajet er āinwōt armej ilo kanniōk, a bwe ren mour ekkar nān Anij ilo Jetōb”. (1Pita 4:6). Frederic W. Farrar, ri jeje eo ebuñbuñ ilo Kabuñ eo an England im ri katakin kōn baibōl, eaar kwaļok kōn etale kein an kōn katak ko an Pita: “Kajojo kotōpar emōj kōmṃane nān kōmeļeļeik alikkar in unin jeje in. Ej juōn jeje eo eļap an aorōk ilo Jeje ko Rekwojarjar, im ejjeļok perre non komeleleik alikkar in unin jeje in... Bwe eļāñne kajjin ewōr meļeļein, kajin in ej kōmeļeļeik bwe Kraist, ke Jetōb eo An eaar wanlaļtak ilo laļ eo tok ilaleaar ear kwaļok kōn enaan eo kōn lōmqor nān ro remej raar jab ukweļok.” (*The Early Days of Christianity* [1883], 78).

Eļōñ rej katakin bwe ewōr juōn lañ im juōn hell. Joseph Smith eaar kōjepļaaktok mool eo im bwe eļōñ lañ ko. Paul eaar kōnono kōn juōn emāan eo im kar kotakllōñļok nān lañ eo kein ka jilu (lale 2 Korint 12:2). Emaroñ in ke kar wōr lañ eo kein kajilu eļāñne ejeļok lañ eo kein karuo ak lañ eo kein kajuōn?

Ilo eļōñ wāween ko an gospel eo an Jisōs Kraist ej āinwōt taujin mōttan puzzle ko. Ke Joseph Smith eaar itok ilo pija eo, bōlen jibuki mōttan puzzle ko raar kōn ilo jikier. Innem Joseph Smith eaar itok wōt im likūt eļōñ iaan ratimjuōn būki mōttan puzzle ko raar kōn ilo jikier bwe armej ren maroñ ba, “O, kiiō ijelā ij itok jān ia, ta wūnin aō pād ioon lañin im ia eo ij etaļ nān e.” Āinwōt ilo jermal eo an Joseph Smith ilo Jepļaaktok eo, Irooj eaar kaļļikar ilo an kōmeļeļeik: “Epepen in renaaj bōk naan ko aō ilo kwe” (D&C 5:10).

Mekarta lutōkļok in jepļaaktok eo an mool ko ilo Baibōl, jet ko rej mool im rej rikapukōt raar ba: “Imaroñ in bōk katak kein ak kōn aolep enjel im vision ko Joseph Smith eaar dāpiji ke raar bōk jikier?” Ilo kaļimjek e epen nān tōmaki ilo raan kein.”

Nān rein kōm ej uwaak er ilo iōkwe im ba, “Ta eaar ejelok enjel im vision ko ilo Kabuñ eo an Kraist ilo Kaļļimur Ekāāl ke? Ta juōn enjel eaar jab waļok nān Mary im Joseph ke? Ta enjel ro

raar jab waļok n̄an Pita, Jemes, im Jon ilo Mount of Transfiguration ke? Ta juōn enjel eaar jab l̄omq̄ren Pita im Jon j̄an kalibuuj ke? Ta juōn enjel eaar jab waļok n̄an Cornelius, innem n̄an Paul ke eaar jorāān ilo wa eo iaar im n̄an Jon ilo ānen Patmos? Ta Pita eaar jab loe juōn vision kōn gospel eo ke enaaj etaļ n̄an ri aeļon ko, Paul juōn vision kōn lañ eo kein kajilu, Jon juōn vision kōn raan ko āliktata, im Stephen juōn vision kōn Jemen im Nejin.

Aeet, Joseph Smith eaar loe enjel ro im vision ko—kōnke e eaar jebbe in jermal ilo pein Anij n̄an karooltok ejja Kabuñ eo an Jisōs Kraist eo eaar pād ilo iien ko etto—aolepān kajoor ko im barāinwōt aolepān katak ko.

Mekarta, būromōj eo in, ilo jet iien ko , jet rej kōnaan kajenoļok aorōk in m̄ool ko an gospel im emōj aer jepļaaktok j̄an Joseph Smith kōnke rejepelļak j̄an jet meļeļe ko n̄an bwebwenato ko jem̄aan ak meļeļe ko ilo science ko rejjab aorōk n̄an aer etaļ n̄an aiboojoj eo iļōñtata, im ilo aer kōm̄mane wāween in rej ukōtļok ājinkej ko aer ke raar ļōtak tok kōn jetōb n̄an juōn wāween eo epoktak. Rej jāneji lukkuun m̄ool eo kōn jepļaaktok eo n̄an juōn jab leke, im ilo iaļ ne rej wōtļok ilo aujiid eo n̄an an jako tōmak eo ilo eļōñ men ko rejelā kon wōt jejjō men ko rejjab jelā. Ao lep iien enaaj wōr jet jorāān ko rebalbal rej ioktok toon wōt an tōmak aikuj im l̄om̄nak ko ad rej likjab, ak barāinwōt enaaj wōr ao lep iien m̄ool eo im katak ko repen an Jepļaaktok eo n̄an eddep ippān, eo enaaj kōpooj dōkā in pedped eo me ioon naan in kaṁool ko remaroñ ekkal ioon.

Ke elōñ ian rikaļoor ro an Kraist raar oktak j̄an E, Eaar kajjitōkin rikaļoor ro An: “Kom̄ barāinwōt kōṅnaan iļok ke?”

Pita e uwaak kōn juōn uwaak ej aikuj jeje ioon būro ko kajojo “kōm̄ naaj iļok n̄an wōn? Ippam̄ naan ko naan in mour indeeo” (Jon 6:66–68).

Eļañne juōn enaaj eļļok j̄an jepļaaktok eo an katak kein ia eo enaaj etaļ n̄an katak kōn m̄ool in piktokin Anij āinwōt katakin ilo ibūlōn wōjke ko? Ia eo enaaj etaļ n̄an an maroñ loe katak ko kōn mour eo mokta, peptaij kōn ro remej im marre indeeo? Im ia eo enaaj etaļ n̄an an pukōt kajoor ko n̄an liabe ļeo pālele im lio pālele im ajri ro ālikin eļļā ioon lūb?

Kōn Joseph Smith emōj an jepļaaktōk ao lep kajoor ko, katak im kien ko rej aorōk n̄an bōk l̄om̄q̄r im mour eo iļōñtata. Kwōjjab maroñ etaļ n̄an jabdewōt jikin ilo laļ in im bōk menin. Jab maroñ loe ilo bar jet kabuñ ko. Jab maroñ loe ilo jelā ko an jabdewōt armej ak ilo katak kōn science ko ak emakūt ko an kajojo armej kōn kabuñ, jekdoon joñan jelālokjeñ eo ej waļok. L̄om̄q̄r enaaj waļok wōt ilo juōn jikin, āinwōt jitōñ tok j̄an Irooj Make, ke E eaar ba ke eñin ej “kabuñ eo em̄ool im ej mour kiiō ilo mejen laļ in” (D&C 1:30).

Ij kwaļok aō kaṁool bwe Joseph Smith eaar rikanaan eo an Jepļaaktok eo, āinwōt an kaṁool kōn men in. Ij āliji kōn ainikien al ko remejaja, “Kautiej n̄an em̄aan eo eaar kōnono ippān Jeova!” Ilo etan Jisōs Kraist, Amen.